

**Aningaasalersuineramik ingerlataqarneq pillugu inatsisip allanngortinnissaa pillugu inatsisip aamma aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip Kalaallit Nunaannut atuutsinnissaa pillugu peqqussutinik Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut**

(Inuussutissarsiornermut Nukissiuuteqarnermullu Naalakkersuisoq)

**Saqqummiussissut**

(Inuussutissarsiornermut Nukissiuuteqarnermullu Naalakkersuisoq)

**Siullermeerneqarnera**

Aningaasanik suliaqarfiusumi Kalaallit Nunaanni inatsisaasut Danmarkimi aamma nunani tamalaani inatsisaasunik tunngaveqarput, minnerunngitsumillu EU-mi malittarisassianik. Kalaallit Nunaanni aningaasaliisarnermi malittarisassiat sorliit atuunneri pillugit, aammalu Kalaallit Nunaanni inatsisaatut nunat tamalaani najoqqutaasunik malittarinninneri pillugit qulartoqalissannginnermik Naalagaaffeqatigiiffimmi aningaasanik suliaqarfiusumi assigiissaartumik inatsisaasut qularnaarissapput. Kalaallit Nunaanni aningaaseriviit unammillersinnaassusillit attassinnaaniarlugit tamakku pisariaqarput.

Tamakkuninnga tunngaveqarlutik aningaasalersuineramik ingerlataqarneq pillugu inatsisip nutarsarneranut tunngasumik, kiisalu aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu Kalaallit Nunaannut inatsit nr. 333, 31. marts 2015-imeersup atuutsilernissaanut tunngasunik Naalakkersuisut aalajangiiffigisassatut siunnersuummik matuminnga saqqummiussaqaqarput.

Aammattaaq UPA 2015-imi aalajangiiffigisassatut siunnersuutinik marlunnik siusinnerusukkut akuersissuteqarnermut malitseqartitsinertut kingunerisatullu aalajangiiffigisassatut siunnersuummik matuminnga saqqummiussaqaarneq isigineqassaaq, taamanikkut CRR-imik peqqussummi aamma CRD IV-mi malitassami EU-mi malittarisassiat Kalaallit Nunaanni piviusunngortinneqarlutik.

Aningaasalersuineramik ingerlataqarneq pillugu inatsisip, aamma aningaasaliisartunut aningaasalersuisartunullu qularnaveeqqusiisarnermik aningaasaateqarfik pillugu inatsisip Kalaallit Nunaannut atuutsilernissaat pillugit allannguuteqarnermut peqqussutinik qanimut ataqatigiittoqarneq pissutigalugu inatsisinik tamanik Kalaallit Nunaannut atuutsilernissamut akuersissuteqarnissamut oqaaseqaatissamik aalajangiiffigisassatut siunnersuut taanna imaqaarpoq.

Malittarisassiat najoqqutassallu pillugit nalornisoqarnerata nunatsinni aningaaserivinnut nunat tamalaani aningaasalersuiffittut niuffaffinni aningaasanik pissarsiniarnerup akisunerulersinnaanera nassatarisinnaavaa, taamaalillunilu aamma namminersortunut aamma inuutissarsiorfiusunut, ilanngullugit namminersorlutik oqartussat pigisaattut suliffeqarfinnut taarsigassarsiniarnerup akisunerulernera nassatarisinnaallugu. Nunatsinni aningaaserivinnut toqqammavissatut atugassarisat pillugit nalornisoqalernerup pinngornissaa pinaveerniarlugu aningaasalerinermik suliasaqarfimmi piaartumik naleqqussaasoqarnissaa pingaartuuvoq, assigalugit Naalagaaffeqatigiinni, ilanngullugulu Savalimmiuni atuuttut.

Aalajangiiffigisassatut siunnersuutinik taakkuninnga marlunnik akuersissuteqarnerup aningaasaleriffittut suliasaqarfimmi nunat tamalaani inatsisaasunut kingullernut nunatsinni aningaasalersuinerinermik inatsisaasut malinnaatilissavai.

Taamatut oqaaseqarlunga, aammalu taakkuninnga malittarinnittut peqqussutinut imaqarnilianullu taakkuninnga siunnersuutinik malittarinnittunik innersuussillunga aalajangiiffigisassatut siunnersuut akuersissanngorlugu inassutigissavara.